



**URhulumente  
weNtshona Koloni**

EzeMfundo

ICandelo loLawulo loCwangciso  
noKuphathwa kwaMaziko:  
ICandelwana loPhuhliso lweZikolo

Isalathiso: 20170330-9584

12/2/8/30/R

Imibuzo: Kwi-Ofisi yeSithili

INGcaciso eMfutshane yeCandelo loLawulo loCwangciso noKuphathwa kwaMaziko:  
0001/2017

Iya: KuBalawuli abaziiNtloko, kuBalawuli (KwaNdlunkulu nakwii-ofisi zezithili), kuBaphathi  
beeSekethe, kuBaququzeleli bezoPhuhliso lweZikolo (*School Enrichment  
Coordinators*), nakwiiNqununu zezikolo eziziiprayimari nezeesekondari

**Isihloko: UMnyhadala woKhuphiswano lweKwayala zeZikolo zaseMzantsi Afrika  
(South African Schools Choral Eisteddfod) ka-2017**

1. ISebe leMfundo esiSiseko likazwelonke (DBE) libambisene nawo onke amasebe  
emfundo amaphondo liya kuququzelela kwakhona, lilawule yaye libeke esweni  
uMnyhadala woKhuphiswano lweKwayala zeZikolo zaseMzantsi Afrika ka-2017 (*South  
African Schools Choral Eisteddfod*) (SASCE).
2. Ukhuphiswano lwango-2017 luhlengahlengisiwe kwakhona (*redesigned*) ukwenzela  
ukuba lubandakanye abaninzi yaye lulungiselela iikwayala zezikolo kula macandelo  
alandelayo:

#### **Izikolo eziziiprayimari**

limveku (AmaBakala R-2)

Isigaba sesiseko (AmaBakala 3-4)

EsiPhakathi (AmaBakala 5-7)

Izikolo zasezifama

#### **Izikolo ezizisekondari**

##### **i-Secondary A**

Zizikolo ebezisoloko zithe gqolo ukutshatshela kule minyaka mine idlulileyo kwezi  
kwiindidi zintlanu zivunyiweyo (o.k.t. kwiikwayala ezixubeneyo – kwi-African, kwi-  
Afrikaans, kwi-Western nakwiikwayala zamadoda namabhinqa).

### **Izikolo ze-Secondary B**

Zizikolo ezithatha inxaxheba okokuqala kwanezo zikolo zazikhe zathatha inxaxheba kule nkqubo kodwa azayokufikelela kwinqanaba likazwelonke.

#### **i-Open Category**

Kuya kukhethwa naluphi udidi abalubona lufanelekile kukhuphiswano kuzo zombini ezi ndidi zingentla.

**Kucelwa ufunde imigaqo neekhrayitheriya zokuthatha inxaxheba ezimiselweyo zomculo ii-“2017 Participating Rules”. Inqununu nombhexeshi wekwayala (conductor) KUFUNEKA bafunde yaye baziqhelanise nale migaqo. Izikolo ezingayithobeliyo le migaqo ziya kukhutshwa (disqualified) ngoko nangoko yaye zingasayi kuvunyelwa ukuthatha inxaxheba kwi-SASCE ithuba leminyaka emihlanu ezayo. ISebe leMfundo leNtshona Koloni (i-WCED) liya kubeka phantsi kweliso elibukhali zonke iziganeko zezithili nezephondo ukuqinisekisa ukuba izikolo ziyayithobela imigaqo yokuthatha inxaxheba.**

3. Iikwayala zesigaba sesiseko ziya kuthatha inxaxheba kuphela kwiminyhadala yokhuphiswano yezithili. Ezi kwayala azisayi kuthatha inxaxheba kwizigaba zamaphondo nezikazwelonke zalo mnyhadala wokhuphiswano.
4. Kumiselwe amaculo (*music pieces*) kuwo onke la macandelo. Imigaqo yokuthatha inxaxheba nee-*music scores* zika-2017 zinokukotshelwa kwiziko lewebhu le-DBE apha: <http://www.thutong.doe.gov.za/Default.aspx?alias=www.thutong.doe.gov.za/school enrichment>. Unako kwakhona ukuqhagamshelana neofisi yesithili yakho ukufumana uncedo ngomculo okanye ngemigaqo yokuthatha inxaxheba.
5. Ukungenela olu khuphiswano, izikolo mazizalise ifom yokubhalisa eqhotyoshelwe apha yaye ziyibuyisele kwigosa elichaphazelekayo elijongene nophuhliso lwezikolo (*school enrichment*) kwiofisi yesithili yabo.
6. Ababhexeshi beekwayala neenqununu zezikolo ezibhalisayo ziya kubizelwa koomasifundisane besithili (*district workshops*) ukubaqhelanisa nomculo omiselweyo kwanemigaqo yokuthatha inxaxheba.
7. Imijikelo yesithili neyephondo yokukhiqa iikwayala ezingaqhubanga kakuhle (*elimination rounds*) kwiphondo iya kubanjwa phakathi kukaAprili noMeyi 2017, ngokulandelelanayo.
8. Izikolo ziya kuvunyelwa kuphela ukuqhubela phambili ukuya kwinqanaba elilandelayo ukuba zifumene amanqaku enqanaba 3 (60%) nangaphezulu oko kusenziwa ngabagwebi.
9. Uthatho-nxaxheba kwiphondo nakwinqanaba likazwelonke lwenziwa ngesimemo esiyincwadi ebhaliweyo kuphela.

10. Iinqununu neekomiti zabaphathi bezikolo (*school management teams*) maziqinisekise ukuba ukuziqhelanisa kweekwayala (*choir rehearsals*) akuphazamisani nenkqubo yokufunda yesikolo kwanexesha lokufunda nokufundisa (*contact time*). Bekuthathele ingqalelo oku, loo nto inyanzelisa ukuba ababhexeshi beekwayala bangabaceli abafundi ukuba baye kuqhelaniso lweekwayala ngexesha lokufundisa.
11. Izikolo ezithatha inxaxheba kuzo zonke iziganeko ze-SASCE mazizenzele amalungiselelo azo okuhamba nawokulala. I-WCED iya kuxhasa ngemali (*subsidise*) ukuhamba nokulala ngolu hlobo lulandelayo:
- Izikolo ezihamba umgama ongaphezulu kwama-200 km (ukubuya) ziya kuxhaswa ngemali eyokufikelela kwisixa esiphezulu sika-R3 000 ngesikolo ngasinye ukwenzela ukhuphiswano kwimijikelo yesithili nemijikelo yephondo.
  - Isikolo esihamba umgama ongaphezulu kwama-700 km (ukubuya) siya kuxhaswa ngemali eya kufikelela kwisixa esiphezulu esingama-R5000 ngesikolo ngasinye ukwenzela imijikelo yesithili neyephondo.
  - Izikolo ezimenyiweyo ukuba zithathe inxaxheba kwisiganeko sikazwelonke ziya kuxhaswa ngemali ukuya kutsho ubuninzi kuma-R40 000 (amawaka angamashumi amane eerandi) kuxhomekeke kubukhulu bekwayala, ukwenzela iindleko zothutho.
  - Indawo yokulala eyenzelwa imijikelo yephondo iya kuxhaswa ngemali nge-R100 ngomfundi ngamnye ngobusuku ngabunye.
  - Indawo yokulala eyenzelwa ukuthatha inxaxheba kwisiganeko sikazwelonke iya kuxhaswa ngemali nge-R150 ngomfundi ngamnye ngobusuku ngabunye.

*Ezi nkxaso-mali ziya kuhlawulwa lusakuba lusayiniwe uXwebhu lweNtsebenziswano (Memorandum of Understanding) oluya kungeniswa kwaNdlunkulu ubuncinane iiveki ezi-3 phambi kwesiganeko.*

12. Kucelwa wazise okukule ngcaciso imfutshane abafundi, ababhexeshi beekwayala, ootitshala kwanabazali ukuze bakuthathele ingqalelo.

**ISAYINWE:** NGU-TS MATSELISO

**USEKELA MLAWULI-JIKELELE WOPUHLISO NOQUQUZELELO LWAMAZIKO**

**UMHLA:** 2017-04-13

**linkcukacha zoqhagamshelwano zamagosa ezithili**

<b>Isithili semfundo</b>	<b>linkcukacha zoqhagamshelwano</b>
<i>Metro Central</i>	Nks S Majiet Ifoni: 021 514 6700 Ifeksi: 021 514 6953 I-imeyili: <a href="mailto:Smajiet@westerncape.gov.za">Smajiet@westerncape.gov.za</a>
<i>Metro East</i>	Nks MJ Swartz Ifoni: 021 900 7253 Ifeksi: 021 903 2149 I-imeyili: <a href="mailto:Mjswartz@westerncape.gov.za">Mjswartz@westerncape.gov.za</a>
<i>Metro North</i>	Mnu D Leonard Ifoni: 021 938 3170 Ifeksi: 021 938 3180 I-imeyili: <a href="mailto:Dleonard@westerncape.gov.za">Dleonard@westerncape.gov.za</a>
<i>Metro South</i>	Mnu: R Esau Ifoni: 021 370 2000 Ifeksi: 021 372 1856 I-imeyili: <a href="mailto:Resau@westerncape.gov.za">Resau@westerncape.gov.za</a>
<i>West Coast</i>	Nks C Beukes Ifoni: 021 860 1210 Ifeksi: 021 860 1231 I-imeyili: <a href="mailto:Cbeukes@westerncape.gov.za">Cbeukes@westerncape.gov.za</a>
<i>Cape Winelands</i>	Mnu F Josias Ifoni: 023 348 4602 Ifeksi: 023 342 4138 I-imeyili: <a href="mailto:Fred.Josias@westerncape.gov.za">Fred.Josias@westerncape.gov.za</a>
<i>Overberg</i>	Mnu K Mike Ifoni: 028 214 7300 Ifeksi: 028 214 7400 I-imeyili: <a href="mailto:Kobus.Mike@westerncape.gov.za">Kobus.Mike@westerncape.gov.za</a>
<i>Eden and Central Karoo</i>	Nks S Stofile Ifoni: 044 803 8300 Ifeksi: 044 873 2253 I-imeyili: <a href="mailto:Sino.Stofile@westerncape.gov.za">Sino.Stofile@westerncape.gov.za</a>